

# ISOMO: INZANDIKO ZA E.G. WHITE N'UMWUKA W'UBUHANUZI

ICYICIRO CY'URUBYIRUKO

ISHURI RITEGURA ABAYOBOZI BAKURU

Byateguwe na : **M.G UZAYISENGA Daniel**

***Contact: 0722021802/ 0783221802/0731740016***

Email:danieluzayisenga06@gmail.com/uzayisen  
gadaniel@yahoo.com

# INTANGIRIRO

- Mbere yo kuvuga kuri Ellen G.white reka turebe icyo ibyanditswe byera bivuga ku impano y'umwuka w'ubuhanuzi ndetse na bayigabanaga cyangwa se abashoboraga kuyihabwa.
- Bibiliya isobanura neza ko mu Itorero ry'Imana hagomba kubamo impano z'umwuka:1kor 12:28
- Rimwe na rimwe abahabwaga iyi mpano ntibasobanukirwaga nibyo Imana ibatumye nicyo cyatumaga abamalayika baba bugufi bwa muntu ngo ibyo adasobanukiwe babimusobanurire. Dan 8:16; Dan 9:11 n' Ibyah 1:1

# IBYO ABADIVEVENTISITI

## B'UMUNSI WA 7 BIZERA P.223

Ubuhanuzi ni imwe mu mpano za mwuka muziranenge. Iyo mpano ni kimwe mu bimenyetso byihariye biranga Itorero ryasigaye kandi iyo mpano yagaragariye mu mumurimo wa Ellen G. White. **Inyandiko z'uyu muhanuzikazi w'Imana ni isoko ihoraho y'ukuri gufite ububasha** kandi **kugaha Itorero ububyutse , inama, amabwiriza, inyigisho no gukosora**. Izo nyandiko ze zerekana mu buryo bugaragara ko inyigisho zose n'ubunararibonye bwose bugomba gushingira kuri bibiliya( Yoweli 2:28,29; ibyok2:14-1, abaheb1:1-3, ibyah12:17;19:10)

# **Abagore nabo bahabwaga iyi mpano yo guhanura.**

- Miriamu (mushiki wa Mose na Aroni)  
kuva 15:20
- Debora abacamanza 4:4
- Hulida 2 abami 22:14
- Abo mu isezerano rishya (Ana Luka 2:36  
ndetse n'abakobwa ba filipo Ibyak 21:9)

# **Bimwe mubiranga umuhanuzi nyakuri iyo ayobowe na Mwuka wera**

- Amaso aguma kureba adahumbya. Kubara 24:16
- Ntahumeka Daniel 10:17

5. Itorero ry'Imana rya shoboraga kubaho rifite umuhanuzi umwe, benshi cyangwa ntawe.

Nimusoma mu gitabo cy'abacamanza muzasanga ko bamwe muri bo bari na abahanuzi abandi ari abacamanza gusa, ubundi ugasanga ko abahanuzi nka Yesaya na yeremiya barabayeho mubihe bimwe ndetse na pashuri umutambyi akaba n'umuhanuzi.

6. Bibiliya itubwira ko muminsi y'imperuka iyo mpano izaboneka mu Itorero ryasigaye; iryo torero rifite ibimenyetso bibiri bikomeye biriranga:

Rikomeza amategeko y'Imana ibyah 14:12

Kandi rifite guhamya kwa Yesu ibyah 12:17

Bibiliya idaciye iburyo cyangwa i bumoso isobanura ko guhamya kwa Yesu ari Umwuka w'ubuhanuzi. (ibyah 19:10)

Ntagushidikanya rero ko iyo mpano ishobora guhabwa uwo ari we wese

mu itorero kandi nk' umubiri w'itorero ni byiza ko twizera Uwiteka tukizera n'abahanuzi ngo tugubwe neza. (2 Ngoma 20:20)

# E.G .WHITE NI MUNTU KI?

Mu by'ukuri iyo ushaka kwigira imibereho ya Ellen Gold Harmon usoma agatabo kitwa intumwa y'Imana kamuvugira muburyo burabuye; n'aho ibyoye tugiye kuvugira aha ni bimwe kandi bike mubiboneka muri ako gatabo kavuzwe haruguru. Ababyeyi be ni : **Harmoni** se umubyara na nyina **Ewunise**, yavutse ari impanga (vraie jumelle) n'undi witwaga **Elisabeth**.

Nyuma y'itorero rikuru mu baMethodistes yasabye kubatizwa ; kuya 21/03/1843 numwe mubasengeraga mu iteraniro ryo kwa Harmoni bategereje kuza ku mwami aha twibutse ko E .G. white yavutse mu mwaka wa 1827 ni ukuvuga ko mu 1844 yari afite imyaka cumi n'irindwi(17ans). Yaje gushyingiranwa na James White ari naryo zina ryasimbuye irya se maze ntabe akitwa **E.G Harmoni** ahubwo akitwa **E.G.White** ubwo hari muw' 1846.Yari ari kandi mu itsinda ry'abigishwaga na STOCKMAN aho bigaga ibyanditswe kandi bagasesengura inyigisho za William Miller zavugaga ko Yesu azaza mu 1843 hanyuma Miller akaza gusesengura ibyi ibyumweru 70 biboneka muri Dan 9 agahindura iyo tariki agashyiraho indi simusiga 22/10/1844 kuko iyo tariki yahuraga neza ni ya 10/7 mu mwaka wakiyahudi umunsi w'impongano



icyo gihe rero Yesu ntiyaje nk'uko byari byitezwe na benshi mubari bategereje ndetse habayeho gucika intege gukomeye n'umubabaro no gusharirirwa (ibyah 10). E.G.White n'umwe mubasigaye mu itsinda ry'abantu 50 batanamutse aho Imana yatangiye kumwihishurira yagize amayerekwa menshi arenga 2000 ndetse ari no muba mbere bahawe ibyo umucyo w'isabato.

Ibyo yavuze byinshi byasohoye akiriho ibindi nyuma y'uko asinziriye ndetse ibindi biriho birasohora n'amaso yacu tubireba. Muri byo twavuga nk'isenywa rya **WORLD TRADE CENTER** n'ikigitabo cy'intambara ikomeye kirigutangwa ngo kivuge ubutumwa bucece nta muntu ukoze amavuna (événement des dernier jours p.161).

Umugabo we **James White** yavutse **1821** ndetse asinzira mu **1881**, afite imyaka **60**.

Ellen G. White yabaye umupfakazi imyaka 34 maze asinzira mu **1915**

# **IBITABO ELLEN G.WHITE YANDITSE**

Ibitabo yanditse ni byinshi ariko biri mu  
migabane ikurikira:

1. Ibitabo 5 by'umwihariko bihuzwa na Bibiliya
2. Ibitabo bivuga ku buzima
3. Ibivuga ku mibanire y'abantu n'abandi
4. Ibivuga ku mahame ya Gikristo n'imyizerere

# **Ibitabo 5 by'umwihariko bihuzwa na Bibiliya**

- Abakera (abakurambere) n'Abahanuzi
- Abahanuzi n'Abami
- Uwifuzwa ibihe byose
- Ibyakozwe n'Intumwa
- Intambara ikomeye.

**Ibitabo bivuga ku buzima** : Rengera ubuzima,  
inama ku mirire n'ibyo kurya

**Ibitabo bivuga ku mibanire y'abantu n'abandi:**  
Uburezi, inama zigirwa Itorero umugabe wa 2

**Ibitabo ku mahame ya gikristo n'imyizerere:**  
Kugana Yesu, Abahirwa ni bande?

# ICYO ELLEN G. WHITE

## AMARIYE ITORERO

Imana yahaye Itorero ryayo impano y'ubuhanuzi, maze yigaragariza mu mibereho ya Ellen G. White, umwe mu batangije iri torero. Yahaye ubwoko bw'Imana bwo mu bihe biheruka amabwiriza yahumetswe n'Imana. Ibihe byo mu ntangiriro z'ikinyejana cya cumi n'icyenda, ubwo Ellen White yatangiraga gutanga ubutumwa buvuye ku Mana, **byari ibihe isi yahaga agaciro abagabo gusa**. Umuhamagaro we wa gihanuzi washyizwe mu kibazo cyane no mu bugenzuzi bukomeye. Bimaze kugaragara ko yujuje ibisabwa na Bibiliya, bitewe n'Impano ya Mwuka Muziranenge yari imurimo, yakomeje umurimo we w'ubugabura binyuze muri iyo mpano mu gihe cy'imyaka mirongo irindwi (70)

**Guhera mu mwaka w'1844 ubwo yari afite imyaka 17, kugeza mu mwaka w'1915, uwo yapfuyemo, yagize amayerekwa asaga 2000.** Muri icyo gihe yabaye kandi akorera muri Amerika, mu Burayi no muri Australia, atanga inama nyinshi, afungura umurimo mushya, akabwiriza, kandi akanandika.



Hashize imyaka irenga ijana Ellen G. White yakiriye impano y'ubuhanuzi. Itorero rye n'imibereho y'abakurikije inama ze byerekana uruhare rw'imibereho ye n'ubutumwa bwe. **Nubwo atigeze agira umwanya w'icyubahiro, ntabe umupasitoro wejejwe, akaba atarigeze abona umushahara w'Itorero mbere yo gupfa k'umugabo we, uruhare rwe rwahwituye Itorero ry'Abadiventiste b'Umunsi wa 7 kurenza ikindi icyo ari cyo cyose usibye Bibiliya.** Yabaye imbaraga ikomeye mu gutangiza umurimo w'ubwanditsi, uw'amashuri, uw'ubuvuzi, n'uw'ikwirakwizwa ry'abamisiyoneri ku isi yose, bikaba byaratumye Itorero ry'Abadiventisiti kandi ryihuta cyane mu gukura

Ibyo yanditse byasohowe mu **bitabo birenga 80, inzandiko n'udutabo dutoya 200, n'ibinyamakuru 4,600**. Ibibwirizwa bye, inyandikoze ubuhamya bwe bw'ingenzi, amabaruwa ye, na byo bibarirwa mu bihumbi 60,000 by'amapaji yandikishijwe intoki (Manuscripts). Ubugari bw'umurimo we buratangaje!

Ubumenyi bwa Ellen G. White ntibugarukira ku bintu bimwe. Umwami yamuhaye inama zerekeye ku **buzima**, ku **burezi**, ku **mibereho y'umuryango**, ku **kwirinda**, ku **gukiza imitima**, ku **ibwirizabutumwa rikoresha ibitabo**, ku **mirire iboneye**, ku **murimo w'ubuvuzi**, ndetse no **ku yindi mibereho**. Inyandiko ze zerekeye ubuzima birashoboka ko zaba zitangaje kurenza izindi kubera ko ibizirimo nubwo bimwe muri byo ubu birengeje imyaka ijana ariko birifashishwa cyane nk'uko byerekanwa n'ubumenyi (science) bwo muri iki gihe.

- **Inyandiko za Ellen G. White ntizisimbura Bibiliya. Ntabwo zashyirwa ku rwego rumwe nayo. Ibyanditswe Biziranenge gusa ni byo shingiro rikwiriye kwifashishwa mu gusuzuma no kugenzura inyandiko ze, kimwe n'izindi nyandiko zose, kandi zose zigomba kubyubahiriza.**

# **IBIHE BY'INGENZI BYARANZE**

## **AMATEKA YA ELLEN G.WHITE**

- **26/11/1827:** Yavukiye i Gorham muri Leta Zunze Ubumwe za Amerika
- 1836: Yatewe ibuye na mugenzi we, rimukomeretsa umutwe ku buryo bukabije bimuviramo kuva mu ishuri
- 3/1840: Yumvise ubutumwa bw'abadiventisiti ku nshuro ya mbere abwumvanye William Miller
- 26/6/1842: Yabatijwe mu itorero ry'aba-Methodiste
- 22/10/1844: Yari yifataniye n'abantu bari bategereje ko Yesu agaruka kuri uwo muni
- 12/1844: Iyerekwa/ Ibonekerwa rye rya mbere.
- 1845: Amenyana na James White.
- **30/8/1846:** Yashyingiranwe na James White.
- **1846:** Yemeye umucyo w'Isabato.

- 26/8/1847: Yabyaye umwana w'umuhungu yitwa Henri Nichols.
- 18/11/1848: Yeretswe ko agomba kwandika.
- 7/1849: Akanyamakuru 'Present Truth ' kasohoye nimeroyako ya mbere.
- 28/7/1849: Yabyaye umuhungu wa kabiri yitwa James Edson
- 7/1851: Igitabo cye cya mbere cyasohotse mu icapiro cyitwa "A Sketch of Experience and Views."
- 29/8/1854: Yabyaye umuhungu wa gatatu yitwa William Clarence
- 12/1854: Yasohoye igitabo "Testimonies for the Church Vol.1"(Ibihamya by'Itorero, Umuzingo wa mbere)
- 14/3/1858: Yeretswe ibyerekeye 'Intambara Ikomeye'
- 20/9/1860: Yabyaye umuhungu wa kane yitwa John Herbert

- 14/12/1860: John Hebert yarapfuye, amaze amezi atatu gusa avutse
- 06/6/1863: Yeretswe ibyerekeye kwitungira amagara mazima (reforme sanitaire)
- 08/6/1863: Yapfushije undi muhungu we Henri Nichols
- 06/8/1881: Umugabo we James White yarasinziriye.
- 1884: Yagize iyerekwa mu ruhame ubwa nyuma muri Portland (Oregon).

- 1887: Igitabo “Intambara Ikomeye” cyasohotse mu icapiro.
- 1891: Yagiye kuba muri Australia.
- 1892: Igitabo “Kugana Yesu” cyasohotse mu icapiro.
- 1900: Yavuye muri Australia agaruka muri Amerika (USA).
- 1905: Igitabo “Rengera Ubuzima” cyarasohotse
- **13/02/1915: Yaraguye iwe mu rugo aravunika.**



16/07/1915

Yakomeje kumererwa nabi, maze kuri iyi tariki arasinzira. Ijambo rya nyuma yavuze yaragize ati: “ I know whom I have believed ,Nzi uwo nizeye Uwo ari we ”

# ABANA YABYAYE

- 1.Yabyaye umwana w'umuhungu yitwa Henri Nichols yaje gupfa afite imyaka 16
- 2.Yabyaye umuhungu wa kabiri yitwa James Edson
- 3.Yabyaye umuhungu wa gatatu yitwa William Clarence
- 4.Yabyaye umuhungu wa kane yitwa John Herbert nyuma y'amezi 3 yahise apfa

# ELLEN G.HARMONI NA HAZEN FOSS

## Intumwa y'Imana P.27.

Ellen G.Harmoni yigishiriza mu nzu y'Iteraniro, umusore witwa **Hazen Foss** yari ku muryango ateze amatwi. Yari atararinjira mu nzu , ariko yaramwumvaga neza, avuga ijwi rikomeye ubwo yaratekererezaga ibyo Imana yamweretse by'urugendo rw'Abadiventisiti.

Uwo mugabo wari uri ku rugi yateye ubwo butumwa amatwi cyane. Byamuhagaritse umutima cyane

Ahindukirira uwo bari bahagararanye ati: «Iryo yerekwa Ellen avuze rirenda guhwana rwose n'iryo neretswe .Rwose , ni nk'abantu babiri bavuga igitekerezo cy'icyintu kimwe. »

Ellen amaze kuvuga , Foss ava kuri iyo nzu y'iteraniro ashengutse mu mutima.Yari yamaze kwanga Imana, ubwo butumwa ntibwari bukimushikamyemo.

Bwana **Foss** yari umupasitoro w'Umusore. Yari umuntu ushyanutse ku rurimi kandi yakundwaga n'abamuzi bose. Bwa butumwa ngo : umenyeshe abandi ibyo naguhishuriye , na we yari yabuhawe, ariko ntiyasobanukirwa n'iryo yerekwa . **Ngo ntiyakwicisha bugufi imbere y'abantu ababwira ubutumwa bw'Imana, atari bubashe gusobanura ubusobanuro bwabwo.**

Yongera kwerekwa ubwa kabiri , noneho  
abwirwa yuko niyanga kubuvuga, azakwa uwo  
murimo, ugahabwa undi w'umunyantega nke  
wo mu bana b'Imana, uzaba umunyamurava,  
akavuga ibyo Imana imuhishuriye . **Ariko na**  
**none ashinga ijosi, yanga kuvuga ibyo**  
**atasobanukiwe neza.** Bidatinze, marayika  
yongera kumubonekera ubwa **gatatu.** Noneho  
amubwira gusa ko abyatswe ngo iyo  
nshingano izagabirwa uworoheje nyuma  
y'abandi, uzakora icyo Imana imutegeka.

# Intumwa y'Imana P.28

Noneho agira akanyabugabo. Ahera ko ahitamo gukora ibyo Imana ishaka. Ateranya abantu ababwira ko afite ubutumwa bwo mu ijuru. Rubanda rutenira hamwe kubwumva. Ariko **Foss** ateruye kubatekerereza iby'iyerekwa, **biramuguruka.Yari yatinze!** Nuko yumvise Ellen Harumoni avuga ibya rya yerekwa yari yanyazwe,ahubirana nawe ava mu nzu y'iteraniro. Aramubwira ati « Yewega Ellen we , naraye numvise ibyo wigishije nijoro »

Ndizera yuko iyerekwa narinyazwe ukarigabana.  
Urabikiranukemo, ujye wogeza ibihamya  
by'Uwiteka , niho utazarekwa  
n'Imana.Jyeweho ndi umunyage.We hoho  
watoranijwe n'Imana. **Ujye ukiranuka ku  
murimo wawe, ikamba najyaga kuzabona ni  
wowe uzarihabwa »**

Ubwo bidatinze, amaze guhitamo yuko  
atazamamaza ubwo butumwa, niho Ellen  
Harumoni yahawe iyerekwa rya mbere. Ubwo  
**Foss aba atandukanye no kwiringira Imana  
arahemuka. Nta n'ubwo yongeye guterana  
n'abizeye ukundi.**



# UMWANZURO

## Yoweli 3: 1-2

Imana yiteguye kuduha iyerekwa kugira ngo dukore umurimo, ubutumwa bwiza bugere kuri bose nk'uko biri muri Matayo 24: 14, maze Kristo agaruke twitahire i wacu. Kuko bibiliya iravuga iti« Kandi ubu butumwa bwiza bw'Ubwami buzigishwa mu isi yose, ngo bube ubuhamya bwo guhamiriza amahanga yose, nibwo imperuka izahera ko ize »

Mbifuriye gukomeza guhirwa n'Uwiteka kandi  
ubwo mwifuje kuzaba abayobozi bakuru ( M.G)  
Imana izabibafashemo nzishima kubabona  
dufatanya umurimo w'Ivugabutumwabwiza  
nk'uko ari yo ntego yacu yo kumenyesha abantu  
ubutumwa bw' Abamalayika 3.

**YESU AKOMEZE KUBANA NAMWE**

# UMUKORO

1. Twabonye ibitabo Ellen G.White yanditse ariko bihuzwa na bibiliya:
  - a. Muburyo rusange Huza ibyo bitabo Ellen G.white yanditse n'ibitabo 66 bigize bibiliya
  - b. Muri bibiriya harimo igitabo kimwe gifite imigabane ibiri bisobanuye ko gishobora guhuzwa n'ibitabo 2 bya Ellen G.White yanditse bihuzwa n'ibigize bibiliya kivuge unagihuze nabyo.